

中 華 民 國 三 年 三 月 六 號
湖 南 官 書 報 局 發 行

湖 南 政 報

本 報 價 目

一 本 報 按 照 陽 歷 每 日 出 報 一 本
一 每 分 每 月 收 回 大 洋 六 角
一 零 售 每 分 銅 元 三 枚

一 外 埠 購 報 郵 費 以 購 報 之 多 寡 酌 加
一 夫 役 送 報 如 有 遺 漏 請 即 函 告 以 便 補 發

長 沙 學 院 街 官 書 報 局 印 刷

目錄

命令

大總統令 電京

都督兼民政長令

訓令米捐總局 據劉陽知事呈發運穀米救荒等情仰該局轉飭分卡驗照免捐由

指令新任永順知事 據呈覆彭英藩偽造萬國改良會印文一案仰提訊嚴辦由

指令岳陽知事 呈報徵收烟酒稅暫時辦法請核示由

指令淑浦知事 據呈共和民主各黨學農各會圖記應否更換乞示遵由

訓令常甯知事 據常甯租戶代表謝常山呈該縣存倉以年防凶歲仰查未解欸理由

訓令 水警籌備處查照三汊磯上三里所沉民船船主起去由

指令沅江知事 呈據警務長請發

訓令長沙知事 據長沙區董劉瑞光呈請維持善舉表彰先正一案仰該縣查覆由

訓令漢壽知事 據湘路股款清理處呈據石應龍呈漢壽財政科把持股票不換一策由

訓令榔縣知事 據該縣李煥文等呈請該縣改委校長由

訓令長沙知事 據該縣唐楨瀛等呈請該縣維持學產由

指令黔陽知事 據各情暫准存記備案請加狀一事層碍難照准由

指令飛翰水師統領據呈集第二班水警救練所第一班畢業學警名冊並調

指令衡山知事據該縣查復劉鼎華等控贖南

公電

本省發電

都督兼民政長呈 交通部電

中央來電

國務院致各省民政長電

公文

都督兼民政長呈覆 教育部譚前督留歐學生案內文

通告

都督兼民政長佈告

命令

大總統令

京電

兼代陸軍總長周自齊呈請將嘉定太倉勦辦亂黨出力之陸軍礮兵中校馮殿臣劉虎臣均加陸軍礮兵上校銜陸軍步兵上尉楊家彬加陸軍步兵少校銜中尉銜陸軍步兵少尉陳鳳先彭振山梁福羣周魁元李譯山劉曜林周凌雲榮慶張義忠王英祥邱得欽劉殿勝口得功王祥馬振海楊世傑賀廉弼張魁元張海山陳克興石得奎張健先郭振海均授爲陸軍步兵中尉應照准此令

兼代陸軍總長周自齊呈請將稽查京師地面出力之王天佑授爲陸軍步兵中校陶福榮詹憲章授爲陸軍步兵少校王澤霖方城林鵬飛授爲陸軍步兵上尉並加陸軍步兵少校銜王占青卓樹棟楊廷魁蔡子春授爲陸軍步兵上尉郭朝君授爲陸軍步兵中尉應照准此令

兼代陸軍總長周自齊呈核覆吉林民政長擬以壽山激泉常海勝貴唐錫春湖圖哩常海文魁春喜治清玉麟文亮福錦吉昌常山補佐領請予准補等語應照准此令

署財政總長周自齊呈稱河南國稅廳籌備處處長俞泰初到任以來未著成績擬請免去本官等語應照准此令

代理國務總理孫寶琦內務總長朱啓鈐署財政總長周自齊呈稱河南財政司長高鴻善請免去本官另候任用等語應照准此令

代理國務總理孫寶琦內務總長朱啓鈴轉據河南民政長張鳳臺呈稱秘書杜嚴呈請辭職杜嚴准免本官此令

代理國務總理孫寶琦呈據蒙藏事務局呈稱科爾沁右翼前旂呼畢勒罕蘭占巴托音喇嘛丹贊達爾扎來京覲獻竭表悃忱請予封獎等語該喇嘛表率廟衆輸誠民國應准加給諾們罕名號用昭激勸此令

代理國務總理孫寶琦呈據蒙藏事務局轉據喇嘛印務處呈請以那森巴圖補普枚寺達喇嘛請予准補等語應照准此令

代理國務總理孫寶琦呈據蒙藏事務局轉據喇嘛印務處呈請以哈得旺布補雍和宮額設蘇拉喇嘛請予准補等語應照准此令

代理國務總理孫寶琦呈據蒙藏事務局轉據喇嘛印務處呈請以土布丹敦魯布補東黃寺額設蘇拉喇嘛請予准補等語應照准此令

中華民國三年二月二十六日

謹按

中央政府命令本報係照京電號碼譯登間或電碼有誤關係甚大應俟政府公報寄到隨時查對更正

都督兼民政長訓令

令米捐總局

內務司案呈據瀏陽縣知事楊啓勛呈稱案照瀏邑連年荒歉去歲亦非豐收知事到任之初卽聞糧價昂貴南鄉需米甚亟民情不免恐慌當經照會城鄉團紳趕緊清查積穀嚴催上倉一面勸諭紳商籌款採買一面飭查各鄉存穀除各戶酌留食穀外餘仍在本境流通並將煮酒熬糖浪費米穀之事一律禁止以期有備無患茲據團防局紳胡增輝黃孝聞宋闔炎羅希夷任圭璋等呈稱舊歲旱荒尤以南鄉爲最甚現南鄉紳學各界商議籌款赴湘潭攸縣採買穀米回縣接濟昨已裝運米數百石經過醴陵陽三石地方米捐分卡飭照出口章程每米一石加抽錢六百一十文商民不堪賠累有運至該卡售脫者有擬續行採買相率裹足者查南鄉向分楓林文市大瑤金剛四團人口不下二十萬楓林文市兩團向來仰給於縣城大瑤金剛兩團歷係採買於潭攸各處今縣城蓋藏不厚米價陡漲而距夏收之期尙遠自顧不暇何能顧及他鄉自非由各處採買難期接濟因由小河轉運繞赴南鄉道經陽三石捐卡以爲該處水道旁通萍鄉疑爲販運出口故有重捐之難而南鄉饑民幾成坐困之勢伏思都督有穀米流通內地之令瀏邑與潭攸同屬內地商民採穀拯饑與販運出口圖利者不同請予發給印照一百張限運採買米五萬石經過關卡免收捐稅既可以杜奸商之影射復可以濟待哺之哀鴻事關民食求速施行等情據此知事查瀏邑南鄉楓林文市大瑤金剛四大團地勢較

高上年被旱歉收係屬實情現在民食匱乏非赴潭攸各處採買不足以資接濟今因由陽三石小河轉運回鄉米捐分卡疑爲販運出口飭令按石繳捐國屬正辦惟該商民購米原爲備荒并非販往他省圖利若令每石捐資六百餘文再加以運費水脚則成本愈重不惟基本難籌卽貧民買食更屬不易擬卽仰懇仁施凡瀏陽商民赴潭攸一帶採買備荒之米路經陽三石分卡概准免予繳捐第恐奸商或有影射漁利情弊現由知事發給瀏字一號起至一百號止卽照一百張每張計採運米五百石隨時由局紳胡增輝等呈請填發以便各商源源採買運回接濟伏乞飭知陽三石分卡係瀏陽裝運備荒之米到卡如驗與瀏陽縣卽照數目相符卽予放行一俟運米到境卽由知事將照核銷倘有奸商藉照多運販賣出口或不將前照繳銷復行轉運仍由該卡照章充罰并函由知事從嚴究辦庶於救荒之中仍有限制之意是否有當理合具文呈請鈞署俯賜察核指令飭遵再瀏邑地方遼闊戶口繁多如所採之米不敷民食屆時仍當呈明給照加採以資接濟等情據此查事關備荒自應變通辦理以示體恤惟所擬辦法於捐務有無滯礙應由該總局確核議復以憑核辦合行令飭爲此令仰該總局卽便遵照核議呈復勿稍宕延切切此令

湖南民
政長印

中華民國三年二月二十八日

都督兼民政長指令

令新任永順縣曾知事

內務司案呈據該縣張知事呈復查明監犯彭英藩等爲造萬國改良會印文將搜獲証據及卷宗等件移送帮審員核辦等情據呈彭英藩等已決罪囚膽敢偽造印文私立會黨內所列會員半屬逃犯半屬捏名實屬非法已極既據該知事將証據卷宗移送審檢所核辦應由該新任知事卽行催令該帮審員速提該犯嚴訊究辦以儆效尤合行令飭爲此令仰該新任知事卽便遵照辦理勿違此令

湖南民政長印

中華民國三年二月二十八日

都督兼民政長指令

令岳陽縣知事

財政司案呈據該知事呈請將城中烟酒兩稅一律征收鄉間酒稅暫行緩征請核示遵等情查該縣因水旱頻仍蓋藏缺乏擬將鄉間酒稅暫行緩征禁止燒熬以免銷耗而民食辦法尙是惟事關國稅應仍呈候國稅廳籌備處查核示遵合行令仰該知事卽便遵照此令

湖南民
政長印

中華民國三年二月二十八日

都督兼民政長指令

令淑浦縣知事

內務司案呈據該知事呈報共和民主兩黨分部及各會所所用圖記未合部定程式尺度應
否一律更換請示遵等情查前奉 內務部規定圖章程式尺度原為取締各項私立團體而
設該縣共和民主兩黨分部及學會均係私立性質應按照 部定程式改刊圖章呈由該知
事驗明啓用並將原用圖記繳銷至游民習藝所如非官立亦應遵照式樣一併更換其餘農
會商會及教育分會均非私立團體不在此案取締之列合行令飭為此令仰該知事即便遵
照辦理具報此令

湖南民
政長印

中華民國三年二月二十八日

都督兼民政長訓令

令常甯縣知事

內務司案呈據常山租戶代表謝常山等呈稱該縣壬子年鐵路租股未解之款一萬三千餘串自願無庸退還請買穀存倉以防凶歲等情據此除批查鐵路租股照章原不能移作他用但買穀存倉以防凶歲亦屬地方公益之事既係租戶情願自可照准惟從前已經解繳公司之三千串應均換有股票將來領出股本亦當一律留作買穀之用以歸一致而在競爭候令飭該縣知事查明辦理此批牌示外合行鈔呈令飭爲此令仰該知事即便遵照查明辦理具報此令

湖南民
政長印

中華民國三年二月二十八日

都督兼民政長訓令

令水警籌備處
長沙縣知事

內務司案呈案准長岳兩關監督公函內開據理船廳報稱三叉磯以上三里有沉在水中大號民船一隻甚碍各船行駛危險堪虞應請尊處飭該管機關查明係誰之船速令起去以利航路除助理船廳暫僱舢板一隻停泊該沉船處所晝插紅旂夜懸紅燈以示來往各船而便趨避并知會各商輪船主各小輪老大一律小心而免碰撞外應請查照辦理等因函請令行該管地方官會同水警飭令該船主從速起去以利航路至級公誼等因准此除令行

水警籌備處
長沙縣知事

備處知事遵辦外合行令仰該水警籌備處即便遵照會同水警籌備處知事飭令該船主即將所沉船隻從速起去以利航路仍呈報查攷切勿違此令

湖南民政長印

中華民國三年二月二十八日

都督兼民政長指令

令沅江縣知事

財政司案呈據該縣呈警務長蘇廷獻請領一月分薪俸洋五十元一案到署據此查冬津貼原案規定之數本按田賦截留較少不敷辦公各處酌為補助統作地方行政之需警務薪俸僅屬地方行政經費之一部分應由該縣於地方行政費內統籌支付至該縣上年十二月至本年一月津貼現正核明支發合行令仰該縣即便遵照此令

湖南民政長印

中華民國三年二月二十八日

都督兼民政長訓令

令長沙縣知事

內務司案呈案據長沙縣區董劉瑞光呈稱竊維救災防患夙推常平之倉崇德報功世重鄉賢之祀蓋所以保全民命而砥礪風俗也瑞光等世居長沙明道鎮福安區向無社會公屋地方原有積穀每歲賃倉存儲自前清宣統庚戌湘省大荒鄉先生朱公雨田慨然以捐建社會自任迫於時局未觀厥成前歲公歸道山遺命仍爲地方捐建社會並以一千金儲穀平糶嗣君朱恩緜承先志嘉惠里閭倉屋行將落成其穀亦如數購辦瑞光等以爲公之懿行載於志乘出自鄉評者邦人士類能言之無須瑞光等贅述惟茲社會積穀利賴尤爲永遠謹援古者有功于民祀之于社之義請奉公木主供於倉屋中堂庶幾秋報春祈與社公而並賽歲時伏臘借村翁而競奔屬在里人咸表同意其屋係中田爲盧田亦朱家私業地名大屋山東抵周劉二姓坎山古塚南抵周姓塚基西抵古塚外大路北抵朱雲谷堂山界四抵均立有社會界石每歲所收租穀八石嗣君朱恩緜等復承先志捐歸公社以備看守社穀餘資俾臻完善瑞光等感錫類之恩而永明禪之計卽于此項租穀內酌留朝夕香火之資用順鄉閭矜式之請至所捐千金積穀專爲儲存備荒舉凡自治及各學校一律不得提用竊恐年湮代遠寢忘本源而沒善舉爲此合詞呈請批准立案以垂久遠而順輿情實爲德便等情據此除批查故紳朱雨田捐建社會並以一千金儲穀平糶事未落成卽行去世嗣子朱恩緜等猶能仰承先志繼續辦竣惟是否出自樂輸未據該紳自行呈明礙難遽予立案候飭長沙縣查覆再行飭遵此批掛發外合行令飭仰該紳自便查明呈覆核奪此令

湖南民
政長印

中華民國三年二月二十八日

都督兼民政長訓令

令漢壽縣知事

財政司案呈據湘路股款清理處呈稱案查二年十月據漢壽客民石應龍來處呈稱該縣財政科把持股票不換請予查究等情當經本處飭股務課將漢壽證券截留據情咨請該縣迅速查明將股票給領見覆在案詎咨去已經數月該縣迄未答覆該客民石應龍股票已否領給至今無從得知以致持票換券者紛至沓來本處未據前項覆文暫時仍難照換是將因一人而攔漢壽一邑之證券入言嘖嘖咎有攸歸本處既負清理之責一見發生輾轉即不能不澈底清查况期限止有一年倘各屬均此遲延勢必難資收束除再由本處咨請該縣從速查復外理合備文呈請鈞署嚴飭該縣趕緊查明即日具覆以便早換證券而恤民情實爲公便此呈等情據此合行令仰該知事即便迅速遵照辦理此令

湖南民
政長印

中華民國三年二月二十八日

伏讀都督電令自治須當改組然此不過一時事務與學務前途絕無牽涉殊鄉民謬識謠誣紛騰以爲學校均當停辦公產均一律退還同人等聞知不勝駭愕嗣讀湖南政報一月二十號都督訓知事陳令開查籌款興學關係至爲重切湘省數月以來各屬造謠生事之徒藉口發還私產以圖攘奪學款時有所聞本兼民政長與民更始首重教育誠恐此風不戢有妨教育前途業經令行各縣知事出示嚴禁等因仰見我都督維持學務之深心造湘省無窮之幸福嗣讀陳知事函開查得谷山寶寧寺產一項謂係私有鄉會提充究係憑何資格據何理由相應如數點交發還等語同人等驟聞殊深詫異以爲該寺產之提充已越數載官案班班豐碑屹屹歷奉各上級機關之批示卽前都督譚批謂谷山寺僧徒不法無論公產私產均應一律提充永定爲地方學校經費並飭令該鄉會泐石以垂久遠此皆有案確調今該知事不閱成案不問原委卽令發還此中殊難索解或亦爲金錢之神力所左右耶同人等不敢知也而吳建三等受人民之委託於公產一任發還純採放棄主義地方公益桑梓義務絕不加以維持學務前途永就淪沒此則同人等所不敢緘默者也夫谷山寶寧寺之提撥成案盈尺無俟贅言今請就發還一節約畧舉之夫中國習慣凡屬寺產均係衆姓捐置僧徒並未帶產且家其非私有可斷言者况碑石屹立非可僞造其間凡經地方逐僧者五次此次亦因僧徒不法方始立案提充所謂化無用爲有用其不能發還者一又若從前所提各款均當發還則教育必歸消滅然後不然以雲母鄉數百石之公租他無入款行政廳亦無補助辦理學務欠闕

實多一處發還他處卽生影響一錢不名教育從何着手其不能發還者二又前此提充谷山寺公產既由前都督批准並報內務部立案命令之效力自與法律同等不能隨意變更前此之命令既不能作爲根據則後此或發生他項之命令其亦將認今日之命令爲有效乎朝令夕更殊非完美政體其不能發還者三綜此三端大之於教育前途於國家實質小之於地方自治公產保存均有莫大關係其陳廳長之暗昧不明吳建三等之放棄責任應如何訓飭之處伏候都督兼民政長作主施行教育幸甚湘省幸甚中華民國幸甚謹呈等因據此除批呈悉此案前奉 內務部訓令內開谷山寺爲地方公建既有碑文可據自應爲地方公有該僧等不得故意爭執等因在案是該僧等已無爭執之餘地乃該縣知事不查原案率令發還實屬不合仰候令行該縣知事遵照原案辦理可也此批掛發外合亟令仰該知事卽便遵照辦理此令

湖南民
政長印

中華民國三年二月二十八日

都督兼民政長指令

令黔陽縣知事

內務司案呈據該知事呈報該縣警察署長唐煇瀛辦事認真請加狀委任一案查各縣繁盛

地點之警察署長從前通令規定一律由司直接委用以昭鄭重純係一時權宜辦法現在合署辦公除各警長由本公署委任外其警長以下所屬各員應責成各該管知事就近攷核委用俾資統一所請加委一層應毋庸議合行令仰知事仰即遵照此令

湖南民
政長印

中華民國三年二月二十八日

都督兼民政長指令

令飛翰水師統領

內務司案呈據該統領呈賚水警教練所第一班畢業學警名冊請備案等情查水警教練原為改編水警之預備關係最為重要該統領既已將第一班學警名冊試驗區別等級一律給予畢業証書並遵章調集第二班學警入所繼續訓練辦法甚是所賚名冊應准備案合行令飭令到該統領仰即遵照此令

湖南民
政長印

中華民國三年二月二十八日

都督兼民政長指令

令衡山縣知事

內務司案呈據衡山縣知事呈覆查明劉鼎華劉衡柱等呈控曠耀南等藉黨強佔阻祀架害等情一案既據查明曠耀南等辦理商務分所以劉氏宗祠爲駐在所係憑中向劉順祖等賃佃並無強佔情事且業經遷移他處應卽無庸置議但商務分所必須辦理得人方足以聯絡商情開通風氣日臻發達否則徒增機關益滋紛擾應由縣隨時考察以昭慎重合就令行仰該知事卽便知照勿違此令

湖南民
政長印

中華民國三年二月二十八日

公電

本省發電

都督兼民政長呈 交通部電

交通部鈞鑒奉函字十四號函開鐵路校查照川鄂兩校前例即行停辦等因當即轉飭該校遵照并聲明湘帑如洗不能接收情形在案茲據該校呈懇援照川校成例暫由 鈞部接收俟在校各生畢業後再行停辦可否乞電示湯鄉銘叩勘
中央來電

國務院致各省民政長電

各省民政長查高等文官懲戒委員會呈請京外各官嗣後褫職降等減俸各處分非經該會審查議決不受處分一案業奉批准公布此後各省呈請褫職等各處分應自奉到此次電令之日起均照呈准之案先請交該會審查議決再行分別辦理以昭慎重而免紛歧仰即遵照
國務院沁印

公文

都督兼民政長呈覆 教育部文

爲呈覆事教育司案呈案奉 鈞部指令第一七零號令開據一月二十二日來文並留歐官費生一覽表均經閱悉查駐英使館前致朱經理員函內謂有湖南官費生皮宗石李劍龍周粟瀾楊超等四生來館投文報到均於九月三十日抵倫敦並聲明周粟瀾卽周覽楊超卽楊冕可見周楊二生確有湘省公文該公署似不致無案可稽應再詳查譚前督所派案內是否有原名周覽及楊冕之二生並從速報部至謝尹官費業已停給矣此令等因奉此查元年九月後譚前督所派留歐學生案內確有周覽楊冕二生理合呈覆謹呈

教育總長

中華民國三年二月二十八日

通告

都督兼民政長佈告

案照實業銀行前飭歸併湖南銀行辦理旋據該銀行股東代表楊聚等呈稱該行營業經年頗著信用請准另行組織等情經本都督兼民政長查明該銀行內容尚無弊竇於實業前途亦不無裨益業經批候酌定章程再行飭遵改組在案茲據該代表等呈請先行佈告以維該行信用自可照准一俟改組章程公佈開始營業現在遇繳商股者仍一律照收爲此佈告商民人等一體知悉此佈

中華民國三年二月二十八日

湖南政報 通告

三月六號

二十